

25. gr.

Almennir fundir.

Þjóðleikhússtjóri getur, ef hann telur þess þörf, kallað til fundar einstaka hópa, deildir eða starfsfólk stofnunarinnar til að ræða málefni hússins.

Á sama hátt geta einstakir hópar, deildir eða starfsfólk hússins óskað funda með þjóðleikhússtjóra til að ræða málefni hússins.

26. gr.

Reglugerð þessi er sett samkvæmt heimild í 20. gr. laga nr. 58 12. maí 1978 um Þjóðleikhús og öðlast þegar gildi. Jafnframt fellur úr gildi reglugerð nr. 162 23. september 1949 með áorðnum breytingum.

Menntamálaráðuneytið, 1. september 1982.

Ingvar Gíslason.

Birgir Thorlacius.

Reglur**um smíði og búnað íslenskra skipa.****HLUTI N.**

Reglur um merkingu skipa.

EFNISYFIRLIT.

1. Gildissvið.
2. Almenn ákvæði.
3. Skráningarumdæmi.
4. Bókstafir og tölur.
5. Björgunarbúnaður.
6. Ábyrgð skipstjóra.
7. Refsingar.
8. Gildistaka.

1. Gildissvið.

- 1.1. Reglur þessar gilda um öll íslensk skip og báta, sem eru 6 metrar eða lengri, mælt milli stafna.

2. Almenn ákvæði.

- 2.1. Hvert skip og bátur skal vera merktur með nafni á bóg beggja megin. Fiskiskip skulu auk þess vera merkt með umdæmisstöfum og tölum á bóg beggja megin.
- 2.2. Hvert skip, sem er stærra en 30 brl., skal vera merkt með nafni og heimahöfn á afturgafli eða við afturstafn beggja megin.
- 2.3. Pílfarsfiskiskip skulu vera merkt með skipaskrárnúmeri á heppilegum stað í báðum hliðum.

- 2.4. Opnir bátar skulu vera merktir með skráningarnúmeri á heppilegum stað á báðum hliðum.

Skráningarnúmer skemmtibáta skal vera skilgreint með bókstafnum S, en skráningarnúmer annarra báta skilgreint með bókstafnum B. Skulu bókstafirnir vera fyrir framan skráningarnúmerið.

- 2.5. Hvert skip, sem þjóðernisskírteini hlýtur, skal vera merkt með einkennisstöfum þess á lúgubita eða karm.

3. Skráningarumdæmi.

- 3.1. Hvert skipaskráningarumdæmi hefur sína umdæmisbókstafi og skulu skráningarskyld fiskiskip og bátar bera umdæmisbókstafi þess umdæmis, sem skipið/báturinn er skráður í, ásamt umdæmisnúmeri aftan við umdæmisbókstafina.

- 3.2. Umdæmisbókstafir eru sem hér greinir:

AK Akranes.
AR Árnessýsla.
BA Barðastrandarsýsla.
EA Eyjafjarðarsýsla og Akureyri.
DA Dalasýsla.
GK Gullbringusýsla.
HF Kjósarsýsla og Hafnarfjörður.
HU Húnavatnssýslur.
ÍS Ísafjarðarsýslur og Ísafjörður.
KE Keflavík.
KÓ Kópavogur.
MB Mýra- og Borgarfjarðarsýsla.
NK Neskaupsstaður.
NS Norður-Múlasýsla og Seyðisfjörður.
ÓF Ólafsfjörður.
RE Reykjavík.
SF Austur-Skaftafellssýsla.
SH Snæfellsness- og Hnappadalssýsla.
SI Siglufjörður.
SK Skagafjarðar- og Sauðárkrókur.
ST Strandasýsla.
SU Suður-Múlasýsla.
PH Þingeyjarsýslur.
VE Vestmannaeyjar.
VS Vestur-Skaftafellssýsla.

- 3.3. Skip og bátar, sem skráðir eru í Kjósarsýslu eða Hafnarfirði mega halda umdæmisbókstöfum (GK) og tölum óbreyttum, en við frumskráningu skips eða umskráningu vegna eigendaskipta, skal það hljóta umdæmisbókstafina HF.

4. Bókstafir og tölur.

- 4.1. Stafagerð skal vera háð samþykki Siglingamálastofnunar ríkisins.

- 4.2. Bókstafir og tölur skulu vera dökkir stafir á ljósum grunni, eða ljósir stafir á dökkum grunni.

- 4.3. Hæð á bókstöfum í nafni og heimilisfangi skal ekki vera minni en sem hér greinir:
- | | |
|----------------------------|-------|
| Á skipum 30 brl. og stærri | 15 cm |
| Á skipum minni en 30 brl. | 12 cm |
| Á opnum bátum | 10 cm |
- 4.4. Hæð á umdæmisbókstöfum og tölum skal ekki vera minni en sem hér greinir:
- | | |
|----------------------------|-------|
| Á skipum 30 brl. og stærri | 45 cm |
| Á skipum minni en 30 brl. | 25 cm |
| Á opnum bátum | 10 cm |
- 4.5. Hæð á skráningarnúmeri skal ekki vera minni en sem hér greinir:
- | | |
|-------------------------------------|-------|
| Á skipum 30 brl. og stærri | 45 cm |
| Á skipum minni en 30 brl. | 25 cm |
| Á opnum bátum öðrum en skemmtibátum | 20 cm |
| Á skemmtibátum | 10 cm |
- 4.6. Hæð á einkennisbókstöfum skipa með þjóðernisskírteini, skal ekki vera minni en 15 cm.
5. Björgunarbúnaður.
- 5.1. Björgunarbáta, aðra en gúmmí- og slöngubáta, skal merkja með nafni skipsins og heimahöfn. Björgunarbáta á fiskiskipum má merkja með umdæmisstöfum og tölum skipsins í stað nafns og heimahafnar.
- 5.2. Á björgunarbáta, aðra en gúmmí- og slöngubáta, skal marka stærð bátsins þ. e. lengd, breidd og dýpt ásamt hámarkstölu þeirra manna, sem báturinn má flytja.
- 5.3. Björgunarhringar skulu merktir með nafni og heimahöfn skipsins eða nafni og umdæmisbókstöfum og tölu, ef um fiskiskip er að ræða.
6. Ábyrgð skipstjóra.
- 6.1. Bannað er að afmá einkenni þau, sem að ofan greinir, afbaka þau, gera þau óþekkjanleg, hylja þau eða dylja. Sama gildir um útlend skip meðan þau eru innan íslenskrar landhelgi.
- 6.2. Sú skylda hvílir á skipstjóra skips að halda vel við öllum merkjum er skipi ber að hafa og sett hafa verið á það.
7. Refsingar.
- 7.1. Brot gegn reglum þessum varða sektum eða varðhaldi. Með mál út af brotum á reglum þessum skal fara að hætti opinberra mála.
8. Gildistaka.
- Reglur þessar, sem settar eru samkvæmt lögum nr. 53 12. maí 1970, um skráningu skipa, staðfestast hér með til að öðlast þegar gildi. Jafnframt falla úr gildi reglur um merkingu skipa nr. 759 18. desember 1981, 3. mgr. 1. gr. (1.3.) reglna nr. 239 16. júní 1978 um skráningu og öryggisbúnað opinna skemmtibáta 6 m og lengri o. fl. og 34. gr. reglna um björgunar- og öryggisbúnað nr. 424 4. júlí 1980.

Samgönguráðuneytið, 1. september 1982.

Steingrímur Hermannsson.

Birgir Guðjónsson.